



**XALQ DEPUTATLARI SHO'RCHI TUMANI  
KENGASHINING QARORI**

Sho'rchi tumani, Mustaqillik ko'chasi 72-uy. 191500, tel.: (+99876) 457-45-73

2022 йил «4» август

VI-49-115-8-120-K/22

Шўрчи туман ҳокимлиги

**Sho'rchi tumani mahalliy budjeti mablag'larini jamoatchilik fikri  
asosida shakllantirilgan tadbirlarga yo'naltirish tartibi to'g'risida  
Nizomga o'zgartish va qo'shimchalar kiritish haqida**

O'zbekiston Respublikasi Oliy Majlisi Senati Kengashining 2022-yil 30-iyundagi “Tuman (shahar) budjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risida”gi Namunaviy Nizomga o'zgartish va qo'shimchalar kiritish haqidagi KQ-377-IV-sonli Qarori ijrosini ta'minlash maqsadida Xalq deputatlari Sho'rchi tumani Kengashi,

**QAROR QILADI:**

1. O'zbekiston Respublikasi Oliy Majlisi Senati Kengashining 2022-yil 30-iyundagi “Tuman (shahar) budjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risida”gi Namunaviy Nizomga o'zgartish va qo'shimchalar kiritish haqidagi KQ-377-IV-sonli Qarori ijro uchun qabul qilinsin.

2. Xalq deputatlari Sho'rchi tumani Kengashining 2021-yil 25-maydag'i 166/VI/XXXV-sonli Qarori bilan tasdiqlangan “Sho'rchi tumani mahalliy budjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risida” Nizomga ilovalariga muvofiq o'zgartish va qo'shimchalar kiritilsin.

3. Sho'rchi tumani hokimligi axborot xizmati (N.Shoyeva), mazkur Qarorni ommaviy axborot vositalarida yoritish tavsiya etilsin.

4. Ushbu qarorning bajarilishini nazorat qilish Xalq deputatlari

Sho'rchi tumani Kengashining mahalliy byudjetni shakllantirish va uni ijro etish, iqtisodiy islohotlarni amalga oshirish hamda tadbirkorlikni rivojlantirish masalalari bo'yicha doyimiy komissiyasi raisi (Sh.Bo'ronov) va tuman hokimining birinchi o'rinnbosari (M.Otaxo'jayev) zimmalariga yuklatilsin.

**Xalq deputatlari tuman Kengashi  
raisi**



**Xudoyberganov B.X**

Xalq deputatlari Sho'rchi tuman  
Kengashining  
2022 yil 4 avgustdag'i  
VI-49-115-8-120-K/22-son qaroriga  
1-ilova

**Sho'rchi tumani mahalliy budjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi Nizomga kiritilayotgan o'zgartish va qo'shimchalar**

Xalq deputatlari Sho'rchi tumani Kengashining 2021-yil 25-maydag'i 166/VI/XXXV - sonli qarori bilan tasdiqlangan "Sho'rchi tumani mahalliy budjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risida"gi Nizomga quyidagi o'zgartish va qo'shimchalar kiritilsin:

1. 10-band quyidagi tahrirda bayon etilsin:

"Jamg'arma mablag'lari faqatgina jamoatchilik fikri asosida shakllantirilgan tadbirlarni hamda ushbu tadbirlarni amalga oshirish bilan bog'liq hujjatlarni rasmiylashtirish (loyiha-smeta hujjatlarini ishlab chiqish, ekspertiza xulosalarini olish va boshqalar) bilan bog'liq xarajatlarni moliyalashtirishga yo'naltiriladi. Mazkur mablag'larni boshqa maqsadlarga yo'naltirish taqiqlanadi.";

2. 15-band quyidagi tahrirda bayon etilsin:

"Takliflar fuqarolar tomonidan respublikaning istalgan hududi bo'yicha har bir jarayonda faqat bir marotaba berilishi mumkin. Bunda taklif mazmunan yagona ijtimoiy muammoni o'zida aks ettirishi lozim.";

3. 18-band quyidagi beshinchi xatboshi bilan to'ldirilsin:

"budget tashkilotini saqlab turish bilan bog'liq xarajatlarni o'zida aks ettirmasligi (kommunal, aloqa va Internet tizimi uchun to'lovlar, shuningdek, kanstovar va boshqa tez eskiruvchi moddiy qiymatliklar);"

4. 20-band quyidagi tahrirda bayon etilsin:

"Tanlab olingan tadbirlarni amalga oshirish uchun talab etiladigan mablag'ning dastlabki miqdori tegishliliga ko'ra tarmoq korxonalari xulosasi asosida loyiha-smeta hujjatlari bo'yicha aniqlashtiriladi. Tadbir g'olib deb

topilgandan so‘ng loyihani amalga oshirish bo‘yicha loyiha-smeta hujjatlari ishlab chiqiladi hamda tadbirning yakuniy qiymatiga aniqlik kiritiladi.

Agar tadbirning dastlabki qiymatiga nisbatan loyiha-smeta hujjatlariga ko‘ra yakuniy qiymati ko‘proqni tashkil etsa, mazkur holatlarda loyihani amalga oshirish uchun talab etiladigan qo‘srimcha mablag‘ tegishli tuman (shahar) "Fuqarolar tashabbusi jamg‘armasi" dagi mavjud yoki kelgusida kelib tushadigan mablag‘lar hisobidan qoplab beriladi. G‘olib deb topilgan loyihaning dastlabki qiymatidan kelib chiqib, tadbir doirasida amalga oshiriladigan ishlar (tovar va xizmatlar) hajmini kamaytirishga yo‘l qo‘yilmaydi.";

5. 24-band quyidagi ikkinchi xatboshi bilan to‘ldirilsin:

"Bunda takliflar g‘olib deb topilishi uchun 10 tadan kam bo‘lmagan ovoz soniga ega bo‘lishi lozim.".

6. Quyidagi tahrirdagi 24.1-band bilan to‘ldirilsin:

"24.1 G‘olib deb topilgan loyihalarni amalga oshirishda yuzaga kelgan texnik muammolar sababli yoki ushbu loyihani amalga oshirish bo‘yicha boshqa manbalar hisobidan mablag‘lar ajratilishi holati kuzatilganda mazkur g‘olib deb topilgan loyihalar "Fuqarolar tashabbusi jamg‘armasi" hisobidan moliyalashtirilmaydi va ushbu loyihalar uchun ajratilishi ko‘zda tutilgan mablag‘lar "Fuqarolar tashabbusi jamg‘armasi" ga qayta tiklanadi. Ushbu mablag‘lar doirasida boshqa g‘olib loyihalarni aniqlashga yo‘l qo‘yilmaydi.";

7. 25-band quyidagi ikkinchi xatboshi bilan to‘ldirilsin:

"G‘oliblar aniqlangandan so‘ng "Fuqarolar tashabbusi jamg‘armasi" da shakllangan qoldiq mablag‘lar g‘olib deb topilgan loyihalarning yakuniy qiymatiga aniqlik kiritilishi munosabati bilan qo‘srimcha talab etiladigan farqni qoplashga yoki kelgusida o‘tkaziladigan "Tashabbusli budget" jarayonlariga yo‘naltiriladi.";

8. Quyidagi tahrirdagi 25.1-band bilan to‘ldirilsin:

"25.1. G‘olib deb topilgan loyihalar mualliflari tomonidan

tadbirlarni amalga oshirishning barcha bosqichlarini kuzatish hamda bajarilgan ishlarni real-vaqt ko‘rinishida baholab borish imkoniyatiga ega bo‘ladi. Bunda jamoatchilik nazorati doirasida fuqarolar tadbirlarni kuzatib borish orqali qonun buzilishi holatlari yoki kamchiliklar kuzatilganda shikoyat tarzida vakolatli organlarga murojaat qilishlari mumkin. Fuqarolar tomonidan loyihani amalga oshirishda boshqa ko‘rinishdagi aralashuvlarga (pudratchi korxonani aniqlash yoki ishlarni ularning o‘zлari tomonidan amalga oshirilishi, loyiha-smeta hujjatlarini ishlab chiqish va shu kabilar) yo‘l qo‘yilmaydi.“;

9. Quyidagi tahrirdagi 33.3-band bilan to‘ldirilsin:

“33.3. Moliya vazirligi har chorak yakunlariga ko‘ra "Ochiq budget" axborot portalida fuqarolarning budget jarayoniga jalb etilishi hamda tashabbusli budgetlashtirish tadbirlari amalga oshirilishi samaradorligi va natijadorligi yuzasidan davlat hokimiyati organlari faoliyatini baholab boradi.

Baholash tizimi "0" balldan "100" ballgacha baholanib, tuman va shaharlar tashabbusli budgetlashtirish jarayonlari natijalariga ko‘ra "yashil", "sariq" va "qizil" toifalarga ajratiladi.

Bunda quyidagilar baholash mezonlari sifatida qo‘llaniladi:

ishchi komissiya tomonidan saralash bosqichi haqqoniy va sifatli o‘tkazilishini baholash - loyihalarni dastlabki va yakuniy qiymati o‘rtasidagi farq, asossiz rad etilgan loyihalar hamda loyihalarni amalga oshirish imkoniyati to‘liq o‘rganilmaslik natijasida g‘olib bo‘lgan loyihalarning keyinchalik rad etilishi darajasi (20 ballgacha);

fuqarolarning budget jarayoniga jalb etilishi darajasi - tegishli hudud bo‘yicha kelib tushgan loyihalar va ovoz sonining mavjud aholi soniga nisbati (20 ballgacha);

“Fuqarolar tashabbusi jamg‘armasi” ga mablag‘lar o‘z vaqtida va to‘liq o‘tkazilishini baholashda - Jamg‘armaga tuman (shahar) qo‘shimcha mablag‘larining tegishli qismi yo‘naltirilishi holatidan kelib chiqib (20 ballgacha);

Jamoatchilik fikri asosida shakllangan tadbirlarni amalga

oshirishning samaradorligi va natijadorligini baholashda - "Ochiq budget" axborot portalida "Jamoatchilik nazorati" bo'limi orqali loyiha mualliflari tomonidan bajarilgan ishlarni sifati va holatini baholash tizimi orqali (20 ballgacha);

Loyihalarni amalga oshirish bo'yicha buyurtmachilar bilan tizimli ishlar tashkil etilganligi darajasi - loyihalar moliyalashtirilishidan kelib chiqib, jami ajratilgan mablag'ga nisbatan o'zlashtirilgan mablag'ga nisbati orqali (20 ballgacha) baholab boriladi.

Har chorak yakunlariga ko'ra mezonlarga muvofiq tuman va shaharlarning to'plagan ballaridan kelib chiqib:

71 balldan 100 ballgacha - "yashil hudud",

55 balldan 71 ballgacha - "sariq hudud",

55 balldan past bo'lganda - "qizil hudud" deb topiladi.

"Qizil hudud" deb topilgan tuman va shahar hokimliklarining tashabbusli budget jarayoni ijrosi yuzasidan hisoboti chorak yakunlariga ko'ra Oliy Majlis Senatida eshitib boriladi."

10. 34-bandagi "O'zbekiston Respublikasi Moliya vazirligi Davlat moliyaviy nazorati departamenti" so'zları "O'zbekiston Respublikasi Moliya vazirligi huzuridagi Davlat moliyaviy nazorati inspeksiyasi" so'zlariga o'zgartirilsin.;

11. 1-ilovaning 4-bosqichi quyidagi tahrirda bayon etilsin:

4-bosqich	Ishchi komissiya	Mezonlarga muvofiqligini hamda tadbirlar amalga oshirilishi imkoniyatlarini o'rgangan holda takliflarni tanlab oladi	"Ochiq byudjet" axborot partalida takliflarni ilgari surish bosqichi yakunlangandan so'ng yigirma kun davomida
-----------	------------------	--	--